

新疆圖志

辛亥冬月

少魯題

籤

印

新疆圖志卷四

建置志四

疏勒者

北極高三十九度二十七分偏京西四十七度二十七分夏至晝長五十九刻九分夜長三十六

刻六分冬至晝夜三十六刻六分夜長五十九刻九分午正日景夏至長二尺八寸六分冬至長一丈九尺五

寸四分春秋分長八尺二寸二分

漢疏勒國有城郭列市較西域諸國

為大

併有今疏勒疏附及師英吉沙爾諸地

太初三年貳師將軍代大宛

還置使者校尉屯樓蘭領護之疏勒較遠不過羈縻而

已宣帝神爵二年日逐王降漢以鄭吉為西域都護治

烏壘城督察諸國疏勒亦受漢號令元帝建昭三年甘

延壽與陳湯擊殺郅支單于於康居別遣三校由疏勒
踰葱嶺而西疏勒震懼內附王莽之亂西域既絕役屬
匈奴東漢中興求內附不得而莎車王賢方強建武十
四年遂服屬於莎車明帝永平四年莎車爲于闐王廣
德所滅又屬于闐十六年其王成爲龜茲王建攻殺立
龜茲左侯兜題爲疏勒王明年司馬班超既服于闐從
間道至疏勒去槃橐城謹案城在疏附東五十里伯
什克勒木城今爲大堆阜九
十里遣吏田慮先往刼縛兜題超至求得故王成之兄
子榆勒立之更名曰忠自與漢絕六十五載至是復通

十八年焉耆攻沒都護陳陸龜茲姑墨數發兵攻疏勒
疏勒兩城降龜茲與尉頭連兵超捕斬反者擊破尉頭
疏勒復安八年龜茲復攻疏勒明年疏勒王忠陰與莎
車通率衆反西保烏即城謹案城在疏附南七里愛
斯克沙地方廢址尚存超

更立其府丞成大爲疏勒王降烏即城元和三年忠說

康居王借兵還據楨中城

一作楨中又作頓中今疏附
南九十里英吉沙爾屬屬阿

克吐有廢址
似其地

遣使詐降縛斬之南道遂通和帝永元二

年超擊退月氏兵移居龜茲宅乾城留徐幹屯疏勒殤
帝延平元年諸國叛攻疏勒圍都護任尙於槃橐城既

解徵尙還疏勒復不通順帝永建二年班勇擊降焉耆
疏勒仍內附安帝元初中疏勒王安國徙舅臣磐於且
氏安國死無子國人立臣磐同產弟子遺腹爲王臣磐
說月氏送還疏勒國人迎立之更以遺腹爲槃橐城侯

即槃橐

陽嘉元年臣槃破于闐復拘彌降莎車疏勒稱強

國靈帝建寧元年疏勒王季父和得射殺其王而自立
因發諸國兵討之和得保楨中城攻之四十餘日不能
下引還疏勒遂絕三國時攻沒莎車併有其地

後因其于連相

殺害國勢寢弱

西晉以降爲龜茲所併此東晉未吐谷渾擾龜

茲疏勒貴人殺龜茲守將復立國遣使入貢於元魏旋

爲蠕蠕所隔世祖太延三年使董琬等招撫遂內屬北史

西域傳疏勒國文成未其王遣送釋迦牟尼佛袈裟一長二丈餘帝少審是佛衣應有靈異遂燒之以驗虛實

置猛火上經曰不然觀者莫不悚駭其都城方立軍國內有大城十二小城數十其人交身碧瞳手足皆六指

產子束頭使偏非六指者即不育唐西域記佉沙國周五十餘里多沙磧少壤土稼穡殷盛花果繁茂出細氈

毼工織細氍毹其俗生子押頭偏匾容貌粗鄙交身綠睛文字取則印度從此東南行五百餘里濟徙多河

踰大沙嶺至所句迦國按疏勒今皆纏回無文周齊之身者亦無有匾首六指者知其種族數易矣

問突厥伊利可汗季子俟斤官旣破蠕蠕西畧諸國疏

勤又服從突厥隋開皇中俟斤子大邏便自立國名西突厥

居烏孫故地南與疏勒接遂歸附之大業以後西突厥

授諸國王爲頡利發突厥官名并遣吐屯一人監統之督其

征賦蓋是時疏勒雖有土亦不復國矣唐貞觀初叛突

厥自立十五年突厥強復附之射匱可汗請賜婚太宗割蔥嶺疏勒等國充聘

禮會賀嘗叛疏勒復隸賀魯高宗顯慶二年總管蘇定

方平賀魯三年徙安西都護府於龜茲領護之龍朔元

年置佉沙都督府於疏勒與于闐焉耆爲四鎮分築城

堡謹案疏附縣治東北二十五里伯什克勒木莊并推克勒村及窮波斯村均有廢城遺址相傳唐時築

咸亨元年吐番與于闐襲陷龜茲遂罷四鎮武后長壽

元年擊破吐番復取四鎮中宗景龍二年又為突騎施

所斷明皇開元三年發諸戎落兵出龜茲西下數百城

佉沙仍內屬

唐書西域傳疏勒一日佉沙王姓裴氏自號阿摩支居迦師城突厥以女妻之儀鳳

中吐番破其國武后長壽二年王孝傑破吐番復其國列四鎮焉開元十六年遣大理正高夢松冊其君安定

為疏勒王天寶十一載遣首領裴國良來朝後不復見於史至德宗貞元六年吐番

攻陷安西遂無聞焉

謹案唐書吐番之地北抵突厥西極疏勒似不待貞元縣境久為吐

番郭落非復舊時之國矣又大食傳大食族中有摩訶末者併吞諸國拓地萬里貞元中與吐番為勦敵番軍

大半西禦大食故鮮為邊患譯回考書其教祖曰摩哈默特於唐高祖武德四年立國紀元後一百二十一年

別將瑪哈麥特阿札里斜合塔什于浩罕等處兵征服喀什哈各城後轉戰和闐敗歿一百四十八年其教祖

外孫王遜之曾孫曰結比沙大克擊破東國兵復喀什
哈據之考其時正高仙芝擊大食敗沒之後事適相合

後結比沙大克進收和闐戰死遂連兵不已蓋即大食
傳所謂與吐番爲勦敵也據此當自天寶以後驢境又

爲回部吐番互相割據矣回書又云三百五十年沙買
泥阿則勒提蘇塘阿布拉司里攻取諸國據喀什哈稱

帕夏阿布拉死子玉山波果拉汗嗣玉山死子玉素普
卡底汗嗣衆叛不服玉素普因乞兵於西國亦麻木拉

斯勒頂等於三百九十年自木達英國率衆千餘等至
喀什哈衆服降亦麻木等遂率兵攻和闐敵人誘人山

監殲之後十周年玉素普死衆復叛自立接回歷百年
約多三年阿布拉事當在宋太祖建隆二年自是五季

迄於宋初驢境似別立國至是遂爲回部所據其言喀
什哈者即喀什噶爾沙買泥地名阿則勒提蘇塘回官

各帕夏爲可汗之轉音回酋之稱木
達英國即木喇奚國今之布哈爾 宋爲疏勒國徽宗

宣和七年遼邪律達什自立爲王招降回鶻回鶻
西

走破諸國兵稱帝建牙媯水間即阿母河役屬西域諸國謹案

仁宗天聖以後疏勒仍復立國至是乃屬於西遼寧宗嘉泰元年乃蠻王明奈

楚祭里舊作屈出律其部爲蒙古所滅因奔西遼奪西遼主卓勒古位盡有

其地遂屬乃蠻嘉定十五年元太祖由輝和爾舊作畏吾兒據

州擊定西域諸國喀什噶爾原作哈失哈兒置達噶噶齊猶華言掌

印監治之隸阿母河省太宗以爲諸王哈薩岱分地英宗

至治以後各據地稱汗互相攻擊順帝至正二十五年嗣子托和樂可鐵木耳汗改從回教於是縣境遂爲回

部分築回莊回堡置阿奇木伯克等官以治遣刑卓乃麻木等分往各城以傳其教明永樂六年

李達齎勅往賜即奉命十一年遣使入朝貢方物宣德

時亦來朝貢天順七年命指揮劉福普賢使其地其貢

使不能常至憲宗成化間鐵木耳近族米子阿帕伯克

里竊據喀什噶爾稱帕夏者四十年武宗時鐵木耳裔

孫蘇塘色意提汗攻取之有阿帕克和卓木依大夜提

密入居縣境回民崇信和卓於是其權盡歸阿帕克另築今疏附縣治老城曰賽爾滿城踞之帕夏不過擁虛

位而康熙時爲準噶爾所滅乾隆二十年準部平釋錮

酋和卓波羅泥都一作布還喀什噶爾二十三年波羅

泥都與弟霍集占相繼叛逾年戡定遂入版圖其後六

十七年道光六年而有張格爾之變又四十四年同治九年而有

安集延之亂光緒三年南疆平定九年議建行省罷參贊以下及伯克各員置疏勒直隸州二十八年升爲府

疏勒鄉土志今疏附縣治四城乾隆二十四年誅大小和卓木平定回疆隸入版圖經畫善後分建八城遂於

回城西七十里築萊爾斯漢城文武官員駐焉道光六年張格爾叛城毀於賊八年揚威將軍長麟敗築本境

各曰振武安酋阿古柏之亂淪陷十餘年光緒二年回疆湯平大學士左宗棠建議改省設官分治九年劉錦

棠奏及本境置州設直隸州知州駐漢城領疏附一縣二十八年增改新疆郡縣又改本境爲府加領伽師一

縣劃從前州屬之排素巴特雅素里克玉帶卑克各莊分隸伽師又以英吉沙爾廳所屬之別什幹大井劃歸

本境城郭完美蓋居然一都會焉然昔之疏勒卽喀什噶爾之別名今之疏勒乃喀什噶爾之分地也其

界東八十五里至和色布依莊接伽師南一百里至甲

馬鐵勒克莊接英吉沙爾西一十里北七里均接疏附

東南二百五十里至鐵里木華莊接巴楚西南一百二

十五里至怕納氣莊接英吉沙爾東北九十二里至卡

札可莊接伽師西北一十七里至賽爾滿莊接疏附東

西九十五里南北一百七里有屯八曰平慶曰廣濟曰

得意曰太平曰安邊曰鎮遠曰永豐曰永定皆負郭有

大回莊五曰巴依托海城東七十里曰塔斯渾城南四十里

曰別什干城南七十里曰罕愛里克城東南九十里曰岳普

爾湖城東南一十里小回莊一曰巴仁半居平慶半居定兩屯之南半居獨意太平

兩屯之北凡大小回莊六
共領小村一百八十三
皆其屬也
西或圖志喀什噶爾所屬村城二十

曰雀爾十在城東北十里木什特們兩河之間曰伯什
克勒木城東三十五里踰木什謬斯騰至其地曰伊克

斯哈拉城東八十里曰玉斯屯哈喇圖什城東北八十
里由巴爾昌西南六十里踰山至其地富山口有小城

曰阿斯騰阿拉圖什城西北六十里地當山口為特們
郭勒發源處西南踰木什謬斯騰至其地曰鄂口城西

北一百二十里又西北踰山通布魯特界曰阿喇古城
東北一百四十里地當北山南麓曰阿爾巴特城東南

四十里在木什赫色勒兩河之間曰牌租阿巴特城東
二百里曰赫色勒布伊城東南一百五十里在柳色勒

雅瑞雅爾兩河之間有小城曰汗阿里克城東南一百
四十里赫色勒雅瑞雅爾兩河之間曰哈喇刻爾城西

南三十里赫色勒特爾墨楚克兩河環帶之間曰提斯
滾城南六十里曰岳普爾和城南八十里曰塞爾們城

西南五里赫色勒特爾墨楚克兩河環帶之間與哈喇
刻爾東西相望曰扎克拜爾薩克城西南四十里雅瑞

惟爾譯斯騰北岸又一水出西山中東流環其北騰環
境曰鄂坂勒城西南一百二十里雅瑞雅爾譯斯其西
南境有小城曰塔什巴里克城東南四十里曰英陽沙
爾城南二百里今設廳曰托撲魯克城東南二百七十
里按一統志同惟無塔什巴里克一處而增和什庫珠
克喇喇楚勒二處注云皆境外新疆識畧屬城十六曰
賽爾瑞則塞爾門城北五里曰伯什克勒木城東北三
十里曰下斯圖阿爾圖什即玉斯屯哈喇圖什城正北
五十里曰阿斯圖阿爾圖什即阿斯騰阿喇圖什城東
北七十里曰阿爾瑚即阿喇古城東北八十里曰阿爾
瓦特即阿爾巴特城正東三十里曰牌素巴特即牌租
阿巴特城正東一百六十里曰和色爾布依即赫色勒
布伊城東南八十里曰罕愛里克即汗阿里古城正南
一百五十里曰塔斯渾即提斯滾城正南八十里曰岳
普爾湖即岳普爾和城東南二百里曰霍爾罕即霍爾
干城北五里曰托古薩克即托克庫爾薩克城正西三
十里曰烏帕爾即鄂坡勒城西南一百一十里曰什密里
克即塔什巴里克城西南一百五十里曰木素魯克

城西北八十里較之西域圖志無伊克斯哈拉鄂什哈喇刻陳英噶薩爾托璞魯克而多木什素魯古之鄉土志只有回莊互與西域圖志相同者八屯皆漢民志始僅四處蓋年久變遷稱名互易矣

道光八年大軍征張格爾隨營來此因其流落輜歸設市安置無事聽其耕種有事入城助守原設千百戶同

治二年安酋帕夏之亂死亡七八光緒三年安逆平經善後局清查原地撫舊招新現計三百二十戶居然土

著其土著纏回有白種黑種之別而皆阿刺伯族其人

力農畝稻麥包穀歲常贏裕胡麻棉花皆常產而棉尤

盛紳士志小麥每年產十三四萬石包穀每年產十一萬餘石稻二三萬石胡麻四五萬石棉花三萬餘

罕愛里克莊出大布每歲約出五六萬疋西販俄國約

多高山產玉石二種出水中者極美出山石中者以藏火燒石併裂乃鑿取之甚費工力此殆合葉爾羌通名

之曰加斯別爾也然喀什噶爾歷市之盛在故回城今
今亦無燒石取玉者

疏附縣也疏附喀什道同治

北緯高二十九度二十八分偏京西四十度二十七分

分二十五秒餘同疏勒府光緒九年析喀什噶爾西北地置

卽漢之槃橐烏犂楨

疏勒諸城地也其界東一百四十里至伯什克勒木莊

接伽師南五十里至古薩克莊接疏勒西八百五十里

至黑孜爾拉提達坂接俄國費爾干省北至百一十四

里至圖魯曼爾達坂接俄國七河省東南六十八里至

阿爾瓦特莊接疏勒西南六百五十里至黑牙兒巴什

接蒲犁東北五百五十里至巴圖瑪納克接烏什西北